



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-586-4/24**

Datum: **14.02.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica JP «Elektroprivreda BiH» d.d. Sarajevo – Podružnica «Elektro distribucija» Zenica za donošenje rješenja o vodnoj dozvoli za ukrštanje priključnog 10(20) kV kabla za KTS 10(20)/0,4 kV „MSH GROUP 2” sa rijekom Bosnom, a u svrhu stvaranja tehničkih uslova za priključenje na elektrodistributivnu mrežu krajnjeg kupca «MSH GROUP» d.o.o. Breza u naselju Bilješevo, općina Kakanj, na osnovu 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **d o n o s i**

R J E Š E N J E **o vodnoj dozvoli**

1. Pravnom licu, JP Elektroprivreda BiH d.d. Sarajevo – Podružnica «Elektro distribucija» Zenica, daje se vodna dozvola za ukrštanje priključnog 10(20) kV kabla za KTS 10(20)/0,4 kV „MSH GROUP 2” sa rijekom Bosnom, u naselju Bilješevo, na zemljištu označenom kao dio k.č. broj: 3048 i 2434/1 K.O. Bilješevo i dio k.č. broj: 3567/1, 2042/2 i 2041/2 K.O. Gora, općina Kakanj, u svrhu priključenja na elektrodistributivnu mrežu krajnjeg kupca «MSH GROUP» d.o.o. Breza.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se trajno čuva sva raspoloživa investiciono tehnička dokumentacija koja je služila kao podloga za izdavanje ove vodne dozvole i na zahtjev nadležnih organa iz sektora voda stavi na uvid.
 - 2.2. Da se kod nadležnog općinskog organa Općine Kakanj provede postupak unošenja položaja kabla u katastar podzemnih instalacija.
 - 2.3. Da se redovno, nakon svih pojava velikih voda u vodotoku, vrši vizuelni pregled trase kablova na prilazu mosta i u mostovskoj konstrukciji, te da se u slučaju eventualne erozije obala i korita izvrši zaštita kabla.
3. Ukoliko zbog izgrađenog objekta dođe do promjene režima površinskih i podzemnih voda i erozije obala i ta promjena prouzrokuje štete ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
5. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 15 (petnaest) godina od dana pravosnažnosti ovog rješenja.
8. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice JP «Elektroprivreda BiH» d.d. Sarajevo – Podružnica «Elektro distribucija» Zenica obratilo se ovoj Agenciji sa zahtjevom broj: 03-82-27961-1/2024 od 18.11.2024., zaprimljenim dana 21.11.2024. godine, za donošenje rješenja o vodnoj dozvoli za ukrštanje priključnog 10(20) kV kabla za KTS 10(20)/0,4 kV „MSH GROUP 2” sa rijekom Bosnom, u naselju Bilješevo, na zemljištu označenom kao dio k.č. broj: 3048 i 2434/1 K.O. Bilješevo i dio k.č. broj: 3567/1, 2042/2 i 2041/2 K.O. Gora, općina Kakanj, u svrhu priključenja na elektrodistributivnu mrežu krajnjeg kupca «MSH GROUP» d.o.o. Breza.

U provedenom postupku dostavljena je i pregledana sljedeća dokumentacija:

- Ovjereni kopija Aktuelnog izvoda iz sudskog registra broj: 065-0-RegZ-24-013538 od 30.10.2024. godine izdatog od Općinskog suda u Sarajevu,
- Ovjereni kopija Uvjerenja o poreznoj registraciji izdatog dana 15.07.2004. godine od Porezne uprave Federacije BiH - Kantonalni ured Sarajevo,
- Dokaz o uplaćenju upravnoj taksi,
- Kopija Zapisnika Komisije za tehnički pregled izvedenih radova na infrastrukturnom objektu od 14.01.2024. godine,
- Kopija Rješenja o odobrenju za građenje infrastrukturnog objekta broj: 04/1-19-2735/24 od 19.07.2024. godine izdatog od Službe za privredu, urbanizam i zaštitu okoline Općine Kakanj,
- Kopija Zapisnika o internom tehničkom pregledu elektroenergetskog objekta broj: 03-82-2-29484-1/2024 od 03.12.2024. godine,
- Kopija Rješenja o vodnoj saglasnosti broj: UP-1/21-2-40-341-2/24 od 15.07.2024. godine izdatog od «Agencije za vodno područje rijeke Save» Sarajevo,
- Glavni projekat – Izgradnja priključne SN dionice za transformatorsku stanicu 10(20)/0,4 kV KTS „MSH GROUP 2“ sa pripadajućim SN postrojenjem šifra: TD-3414, urađen od JP «Elektroprivreda BiH» d.d. Sarajevo – Podružnica «Elektrodistribucija» Zenica, juni 2024. godine (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-586-3/24 od 04.12.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Projektovani priključni 10(20) kV kabal i SN postrojenje u KTS 10(20)/0,4 kV „MSH GROUP 2“ su izgrađeni u svrhu stvaranja tehničkih uslova za priključenje krajnjeg kupca „MSH GROUP“ d.o.o. Breza.
- Prelaz kabla preko rijeke Bosne je izveden u konstrukciji mosta, pomoću čeličnih nosača i regalica.
- Radovi su izvedeni u skladu sa projektnom dokumentacijom na osnovu koje je od strane ove Agencije doneseno Rješenje o vodnoj saglasnosti.
- Zaključak Komisije za tehnički pregled izvedenih radova je da je izgradnja izvedena u skladu sa tehničkom dokumentacijom na osnovu koje je izdato odobrenje za građenje i u skladu sa osnovnim odredbama Zakona o prostornom uređenju i građenju («Službene novine Zeničko-dobojskog kantona», broj 17/23), zatim u skladu sa svim važećim propisima, tehničkim normativima, standardima i pravilima struke i nema uslovnih primjedbi, te se predmetni objekat može koristiti i može se izdati Odobrenje za upotrebu-Upotrebna dozvola.

Na osnovu dostavljene dokumentacije i uviđaja izvršenog na predmetnoj lokaciji, a u cilju smanjenja negativnih uticaja predmetnog objekta mosta na režim voda, podnosiocu zahtjeva su ovom vodnom dozvolom propisani uslovi korištenja i održavanja objekta u skladu sa odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 16. stav (2) Pravilnika o sadržaju, obliku, uvjetima načinu izdavanja i čuvanja vodnih akata, konstatuje se da je podnosilac zahtjeva JP «Elektroprivreda BiH» d.d. Sarajevo – Podružnica «Elektrodistribucija» Zenica, ispunio minimum uslova za izdavanje vodne dozvole, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-586-2/24 od 02.12.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju
Rukovodilac sektora za izdavanje vodnih
akata



Nihad Pezo, dipl.inž.građ.

Dostaviti:

- «Elektrodistribucija» Zenica
Safeta Bašagića 6, 72000 Zenica
- ⊖ AVP Sava, ISV-vodna knjiga
- Sektor 40 – arhiva
- Oglasna ploča AVP Sava